



www.legjislacioni.gov.al

Buletini i Njoftimeve Zyrtare I REPUBLIKËS SË SHQIPËRISË

Botim i Qendrës së Botimeve Zyrtare

Viti: 2016 – Numri: 9

Tiranë – E martë, 29 mars 2016

PËRMBAJTJA

	Faqe
Vendim i Inspektoratit Shtetëror të Mjedisit dhe Pyjeve nr. 4763, datë 21.12.2015	3
Kërkesë e Ministrisë së Mirëqenies Sociale dhe Rinisë nr. 1620, datë 17.3.2016	3

**VENDIM**

Nr. 4763, datë 21.12.2015

I KOMISIONIT TË ANKIMIT

Në bazë të pikës 2, të nenit 51, të ligjit 10433, datë 16.6.2011, “Për inspektimin në Republikën e Shqipërisë”, të vendimit nr. 103, datë 4.2.2015, të Këshillit të Ministrave dhe ankimit për vendimin përfundimtar nr. 14, datë 22.5.2015 të ISHMP-së, Dega Rajonale Tiranë, ndaj subjektit “Saadeh Abboud”, protokolluar me nr. 1710, datë 26.5.2015.

Pasi shqyrtoi ankesën e këtij subjekti dhe masën administrative të marrë, rezultoi se është marrë në përputhje me ligjin procedural dhe atë material dhe përbën një akt administrativ të vlefshëm dhe si i tillë duhet të lihet në fuqi në zbatim të nenit 146, pika “a”, të ligjit nr. 8485, datë 12.5.1999, “Kodi i Procedurave Administrative të Republikës së Shqipërisë”.

Vendimi i mësipërm nr. 14, datë 22.5.2015, i dënimit me gjobë në vlerën 500.000 lekë, është marrë në përputhje me ligjin procedural dhe atë material dhe përbën një akt administrativ të vlefshëm.

Për sa më lart, Komisioni i Ankimit

VENDOSI:

Rrëzimin e ankimit ndaj vendimit përfundimtar të subjektit “Saadeh Abboud” dhe lënien në fuqi të vendimit përfundimtar nr. 14, datë 22.5.2015, të ISHMP-së, Dega Rajonale Tiranë.

**KRYEINSPEKTOR I INSPEKTORATIT
SHTETËROR TË MJEDISIT DHE PYJEVE**

Ergys Agasi

KËRKESË

Nr. 1620, 17.3.2016

**PROJEKTI I MODERNIZIMIT TË
ASISTENCËS SOCIALE (SAMP)**

15 mars 2016

**PËR SHPREHJE INTERESI
SHËRBIME KONSULENCE**

**PËR VLERËSIMIN E PËRFITUESVE
AKTUALË TË NE-së DHE TË NIVELIT TË
MIRËQENIES SË TYRE NË ZONAT PILOT
REF. NO. SAMP/CS/CQ/04-2015
KOMPANI KONSULENTE LOKALE**

Projekti i Modernizimit të Asistencës Sociale (SAMP)**Hua nr. 8141- AL****Nr. i identifikimit të projektit: P122233**

Republika e Shqipërisë ka marrë një financim nga Banka Botërore nëpërmjet kostos së Projektit të Modernizimit të Asistencës Sociale (SAMP) dhe ka planifikuar të përdorë një pjesë të saj për shërbim konsulence. Shërbimi i konsulencës (shërbimi) përfshin “Vlerësimin e përfituesve aktualë të NE-së dhe të nivelit të mirëqenies së tyre në zonat pilot”.

Qëllimi i këtij shërbimi është që të kontrollojë/të verifikojë saktësinë e informacionit të dhënë nga aplikantët/përfituesit e NE-së në aplikimin e tyre, si dhe për të njohur më mirë karakteristikat e familjeve përfituese.

Në bashkëpunim të ngushtë me dhe nën mbikëqyrjen e drejtpërdrejtë të Drejtorisë së Përkujdesjes Shoqërore dhe Shërbimeve të Integruara në MMSR, kompania lokale do të jetë përgjegjëse për auditimin e statusit aktual të përfituesve të NE-së në zonat pilot dhe nivelit të mirëqenies së tyre nëpërmjet verifikimit të kushteve të jetesës së familjeve, bazuar në informacionin e dhënë në formularin e tyre të aplikimit. Pra, studimi (nëpërmjet një sondazhi) do të mbledhë kryesisht informacionin që është dhënë në formularin e aplikimit, por, gjithashtu, mund të mbledhë disa informacione shtesë për të kuptuar më mirë karakteristikat/nivelin e mirëqenies së përfituesve.

Kompania lokale pritet që të përfundojë me sukses auditimin për fazën pilot. Lista e mëposhtme e detyrave do të jetë në dialog të vazhdueshëm me MMSR-në dhe përbëhet nga këto aktivitete kryesore: i) hartimi i metodologjisë për anketimin e familjeve; ii) zhvillimi i pyetësorëve për anketimin e familjeve, bazuar në informacionin e përfshirë në formularin e aplikimit dhe informacionin shtesë të nevojshëm për të kuptuar më mirë karakteristikat/nivelin e mirëqenies së përfituesve; iii) të jetë në dialog të vazhdueshëm me MMSR-në; iv) të zbatojë të gjitha aspektet e aktiviteteve të mbledhjes së të dhënave (domethënë e anketës familjare); dhe v) të analizojë të dhënat dhe të përgatisë gjetjet dhe konkluzionet në bashkëpunim/konsultim me INSTAT-in lidhur me faktin nëse NE-ja ka shkuar te grupi i synuar i familjeve të varfra.



Kjo detyrë do të kërkojë një konsulent (kompani lokale) me njohuri solide të praktikave më të mira lokale në anketimet sociale dhe përvojë të dëshmuar në kryerjen e investigimit apo sondazheve të krahasueshme.

Për kryerjen e këtij shërbimi, kompania do të duhet të angazhojë anketues të kualifikuar, personel për regjistrimin e të dhënave, kontrollorë cilësie, metodistë dhe analistë.

Kualifikimet e veçanta që duhet të përmbushen nga konsulenti, si një entitet, janë:

- duhet të ketë eksperiencë të dëshmuar në ndërmarrjen e detyrave të vlerësimit;
- duhet të ketë një ekip shumëdisiplinor me përvojë të konsiderueshme;
- duhet të jetë një subjekt juridik, i cili punëson një staf të paktën prej 10 punonjësish;
- duhet të punësojë dy ose më shumë vlerësues të licencuar dhe të regjistruar;
- të ketë realizuar me sukses projekte kombëtare dhe ndërkombëtare për sektorin privat dhe atë publik;
- duhet të ketë kapacitete logjistike për të kryer sondazhin brenda afatit të studimit.

Ministria e Mirëqenies Sociale dhe Rinisë, nëpërmjet Ekipit të Menaxhimit të Projektit (PMT), fton të gjitha kompanitë konsulente të pranueshme (konsulente) të shfaqin interesimin e tyre në ofrimin e shërbimeve të kërkuara. Konsulentët e interesuar duhet të ofrojnë informacion që të demonstrojnë se ata kanë kualifikimet e kërkuara dhe eksperiencat e ngjashme për të kryer shërbimet. Kriteret e shortlistimit dhe të vlerësimit janë:

1. Eksperiencia specifike e firmës në fushën e sondazheve në sektorin social:	30 pikë
2. Numri i shërbimeve/kontratave të ngjashme të kryera gjatë tri viteve të fundit:	30 pikë
3. Eksperiencia e përgjithshme dhe kualifikimi i ekspertëve kryesorë:	40 pikë
TOTALI	100 pikë

Konsulentët e interesuar duhet të marrin në konsideratë politikën dhe klauzolat e Bankës

Botërore, në lidhje me konfliktin e interesit, e përcaktuar kjo në paragrafin 1.9 të udhëzuesve të Bankës Botërore, për: *Përzgjedhja dhe punësimi i konsulentëve nga kredi të IBRD-së dhe hua të IDA & grante nga huamarrësit e Bankës Botërore* (udhëzuesi i konsulencës), version i janarit të 2011-s.

Konsulentët mund të bashkohen me firma të tjera në formën e një *joint venture* apo në formën e nënkontraktimit për të forcuar kualifikimet e tyre.

Konsulenti duhet të jetë një firmë lokale. Metoda e përzgjedhjes që do të aplikohet është: “Përzgjedhje sipas kualifikimit të konsulentit” – CQ, në përputhje me procedurat e udhëzuesve të Bankës Botërore për përzgjedhjen e punësimin e konsulentëve (botimi i janarit 2011). Kohëzgjatja e shërbimit do të jetë brenda një periudhe 4-mujore.

Për më shumë informacion mund të kontaktoni në adresën e mëposhtme, gjatë orarit zyrtar 08:00–16:00 (e hënë deri të enjten) dhe 08:00–14:00 të premtën.

Shprehjet e interesit duhet të dorëzohen me shkrim në adresën e mëposhtme (dorazi ose me *e-mail*) deri më **31 mars 2016**.

**Ekipi i Menaxhimit të Projektit (PMT)
Projekti i Modernizimit të Asistencës Sociale (SAMP)**

Ministria e Mirëqenies Sociale dhe Rinisë – kati 1

**Rruga e Kavajës, nr. 53, Tirana, Albania
Në vëmendje të znj. Suzana Papadhopulli**

SEKRETAR I PËRGJITHSHËM I
MINISTRISË SË MIRËQENIES SOCIALE
DHE RINISË
Gjergj Teneqexhiu

Buletini i Njoftimeve Zyrtare shpërndahet falas në çdo pikë të Postës Shqiptare.
Përmbajtja e Buletinit Zyrtar mund të konsultohet falas dhe pranë Qendrës së Botimeve Zyrtare.

Tiranë, 2016